

**Informacije za azilante  
o ljebarskoj pretrazi koju provode zdravstveni zavodi**

Vi ste doputovali u Slobodnu državu Saksoniju kao azilant i bit ćete podvrgnuti ljebarskoj pretrazi koju će provesti nadležan zdravstveni zavod. Pretragom treba da se što brže utvrde zarazne bolesti koje je potrebno liječiti, kao i da se preduzmu mjere protiv njihovog širenja. Pretraga zato u prvom redu služi Vašem vlastitom interesu, ali također i interesu ljudi sa kojima živite u zajednici sustanara.

Pretraga obuhvata opštu pretragu tijela (ako je ona potrebna za dijagnosticiranje zaraznih bolesti), rentgensku snimku grudnog koša (od navršene 15. godine života) odnosno test kože na tuberkulozu kod djece do navršene 15. godine života i kod trudnica, nadalje krvnu pretragu na hepatitis A i B (infektivna žutica) kao i na imunitet na ospice, mumps, rubeolu i vodene kozice. Ukoliko postoji sumnja na bolest vrši se pretraga stolice na uzročnike crijevnih infekcija.

Ako ljebar zdravstvenog zavoda utvrdi dokazne podatke za druge bolesti, mogu da se zatraže i ostale pretrage.

Nakon završetka pretraga izrađuje se ljebarska potvrda.

Ako je to potrebno u cilju sprečavanja širenja zarazne bolesti, odnosno ako se potvrde dokazi da imate bolest koja zahtijeva liječenje, zdravstveni zavod predat će rezultate pretraga nadležnim mjestima.

U ostalim slučajevima rezultati pretraga bit će predati drugim mjestima samo ako se Vi sa time slažete.

Ostale informacije o medicinskoj brizi za azilante dobit ćete u centralnim službama za poslove sa strancima i zdravstvenom zavodu koji će kasnije za Vas biti nadležan.

Od Vas se traži da popunite list sa anamnezom (pitanja o historiji bolesti) koji smo Vam uručili i da ga predate ljebaru zdravstvenog zavoda koji će sprovesti pretragu. Molimo Vas da za svako svoje dijete također popunite upitnik.

Savjetovanje u vezi sa AIDS/HIV-om, hepatitisom C i ostalim seksualno prenosivim infekcijama, kao i odgovorajuće laboratorijske pretrage može da Vam po potrebi, van okvira prve pretrage, ponudi lokalno nadležan zdravstveni zavod. To ima smisla ako kod Vas postoji rizik da ste se u prošlosti zarazili takvim uzročnicima, ili su se u prošlosti kod Vas pojavili opisani znakovi bolesti. Takve pretrage su potpuno dobrovoljne i sprovode se samo uz Vašu saglasnost. Razumljivo je da će se sa Vašim rezultatima pretraga postupati povjerljivo.

## **Napomene u vezi bolesti**

### **Infekcija AIDS/HIV-om**

AIDS je naziv za bolest oslabljenog imunostistema kao posljedicu zaraze virusom humane imunodeficijencije (HIV). Virus humane imunodeficijencije (HIV) naročito napada i razara odbrambene ćelije u tijelu.

Nekoliko sedmica nakon zaraze virusom HIV-a mogu da se uoče poteškoće slične gripi u obliku visoke temperature i bolova u ruka i nogama. Dalji tok infekcije HIV-om je individualno veoma različit. Zbog povećanog oštećenja imunostistema na kraju može doći do teških infekcija uzročnicima koji zdravom obrambenom sistemu ne mogu da naškode, kao i do rijetkih kancerogenih oboljenja i teških oboljenja centralnog nervnog sistema.

### **Hepatitis C**

Zaraza virusom hepatitisa C (HCV) često se i ne primijeti. Usprkos tome čovjek koji nosi virus je zarazan. Ako postoje znakovi bolesti, nastupit će teškoće kao što je gubitak apetita, malaksalost, bolovi u mišićima i zglobovima, bolovi u gornjem dijelu stomaka, mučnina, povraćanje i malo povišena temperatura. Osim toga može da se pojavi blago žuto obojena koža i očna spojnica. Veoma rijetko se oboljenje HCV virusa može izliječiti samo po sebi. U tri četvrtine svih slučajeva tok bolesti postaje hroničan. Nakon nekoliko godina mogu da nastati teška oštećenja jetre.

### **Sifilis**

Sifilis (također pod nazivom lues) je zarazna bolest proširena po cijelom svijetu. Uzročnik sifilisa je mikroskopski mala bakterija spiralne forme. Bolest sifilisa odvija se u nekoliko stadija. Znakovi bolesti su u tom slučaju veoma različiti i mnogoznačni.

Oko 3 sedmice nakon zaraze na mjestu ulaska uzročnika bolesti (npr. spolni organi) mogu da nastanu mjehurići, a kasnije čirevi koji su bolni i ponovno spontano zacijele. Međutim, infekcija time nije nužno odstranjena, nego može da se pretvori u hroničan proces. Po cijelom tijelu može da izbije osip i mogu da nastanu otekline limfnih čvorova. Mnogo godina nakon zaraze može da dođe većinom do trajnih oštećenja na raznim organima kao što su srce, velike žile kucavice (aorte), jetra, kosti i nervni sistem.

Ako se sifilisom zarazi tokom trudnoće, bakterije mogu da uzrokuju oštećenja na još nerođenom djetetu.